

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808927781 որոշումն անփոփոխ, իսկ գանգատն առանց բավարարման թողնելու մասին

<< 8 >> 01 2019թ. 17. 4. 508

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյան, վերանայելով <<Անկախ>> ՍՊԸ տնօրեն Արման Էդուարդի Բարեգամյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

<<Անկախ>> ՍՊԸ տնօրեն Արման Էդուարդի Բարեգամյանը 8000-19 դիմումով խնդրել է ճանապարհային ոստիկանության վարչական տույժ նշանակելու մասին թիվ 1808927781 որոշումը վերահասցեագրել Լուսինե Միսակի Արշակյանին:

«Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Նյութերի ուսումնասիրության ընթացքում պարզվել է, որ թիվ 1808927781 որոշումով ամրագրված իրավախախտումը կատարվել է 07-12-2018թ., իսկ դիմումին կից ներկայացված աշխատանքային պայմանագրի համաձայն Լուսինե Միսակի Արշակյանը վերոնշյալ ընկերությունում աշխատանքի է ընդունվել 15.12.2018թ.-ին, հետևաբար ներկայացված ապացույցները չեն փաստում խախտումը վերջինիս կողմից կատարված լինելու հանգամանքը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808927781 որոշումը թողնել անփոփոխ, իսկ գանգատն՝ առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակներն ուղարկել <<Անկախ>> ՍՊԸ տնօրեն Արման Էդուարդի Բարեգամյանին (հասցեն՝ ք. Երևան, Փավստոս Բուզանդի փ., 2. 1, բն. 42), Լուսինե Միսակի Արշակյանին (հասցեն՝ Կոտայքի մարզ, Աբովյան, 4 մկրշ., 2. 13, բն. 2) և ՏՄՀԽԱ կենտրոն:

Ե. Կարապետյան